



UKA 2013/90
9. oktober 2013
Naaja H. Nathanielsen

Aatsitassarsiorfinni atorreqartussani dieseli ikummatigalugu nukissiuutini ator-tulersuutit NOx-inik taaguutillit millisaatit atorreqartalernissaat siunertaralugu Naalakkersuisut UPA 14-imut inatsisissatut siunnersuummik saqqum-meeqqullugit Inatsisartut aalajangiiffigisassaattut siunnersuut.

(Inatsisartunut ilaasortaq Sara Olsvig, Inuit Ataqatigiit)

Inatsisartunut ilaasortap Sara Olsvigip siunnersuutaa Inuit Ataqatigiinnit tamakkiisumik taperserparput.

Kvælstofdioxidinik, aamma NOx-inik taaneqartartunik, aniatitsineq inunnet avatangiisunullu navianartuusoq qularutigineqarsinnaanngilluinnarpoq. Aniatitsineq tamanna, peqqiilliutit uppersarsarneqarnikuusut ilaannaat taassaagaanni, kræftip, issanngusarnerup anersaartuutitigullu aseruttornerup atugaanerulernerinik pissutaasartuq millisarumal-lugu nunarsuarmi tamarmi suliniuteqartoqartiterpoq.

Silaannaap mingutsitaanerani sananeqaatit peqqissutsimut navianarnerpaarpat tassaapput kvælstofdioxidit sananeqaatillu minnerit. Tamakku ikkumatissat nunap iluaneersut, soorlu uuliap diesilillu, ikuallanneqarnerisigut aniatinneqartarput. Naluneqanngitsutut nunatsinni ikummatissanik nunap iluaneersunik ukiuni aggersuni annertoorejussuarmik aniatitsinerusalertussaavugut. Siunnersuuteqartup oqarneratut tamanna ajornartorsiu-taalersussaavoq annertoorejussuaq.

Qujanartumilli teknologi ukiut kingullit ingerlaneranni ineriartupiloorsimavoq maannalu nukissiorfiit kvælstofdioxidinik aniatitsinerup minnerulersinneqarnissaanut teknikkikkut iluarsissutaasinnaasunik nassaartoqarnikuuvoq. Inuit Ataqatigiit isumaqarpugut pissu-sissamisoorluinnartoq aatsitassarsiornermi pilersaarutitut atatillugu teknologiinik taamaattunik atuisoqartarnissaa piumasaqaatigisassagipput. Tamanna akerlilissallugu tungavilersuutaalatsinarluinnarpoq.

Sananeqaatinik navianartunik aniatitsisarnerup annikillisarneqarnissaa pillugu siunnersuut Inuit Ataqatigiit taperserparput. Taamatut siunnersuuteqarnikkut nunatta inui avatangiisivullu toqqaannartumik illersorniarneqarput.

Siunnersuut aappasaaneerreqartinnagu Avatangiisinut ataatsimiititaliamut suliarissanngorlugu innersuussutigaarput.